



（一）第（球）全



療貧救情

強種富國

接指陳請移 玉步

天津法租界
北京崇文門

勝家公司謹啓

本公司創設業經五十餘年乃招集五洲富商巨賈而成資本五千萬金元製造廠八處支店共有五千餘家現計各式縫紉機器不下三百餘種銷流之數日增月盛就歐美兩洲而論每年約銷二百餘萬架執此推求足見縫紉機器一物誠爲療貧救情之利器齊家治國之靈丹也近日中國人士多知其然上等等者購置一具爲餘閒消遣亦利便家常下等等者藉之製靴造鞋做帽繡花縫衣等用以贈室故風氣大開消流日廣惟近日賈項次貨混充市上魚目容易混珠須知本公司以S字中加小於爲記包教包修保險五年登門學習備有師匠不取分文分期付款一切極便閨秀各媛另有女眷教接指陳請移 玉步

本局自開張以來價廉物美久蒙 紳商賜顧極其稱實所售各式大小印字機器及所鑄各樣大小華洋鉛字以排字應用零星小件無不俱備堅固異常與衆不同如 官紳貴商賜顧者請移玉至天津日本租界旭街路西九五十三號樓房本局帳房面訂庶不致誤 得律風四百六十五號 浪花鉛字局謹啓

宮門抄

閏四月初一日 理藩院光祿寺八旗兩翼值日無引 見吏部呈進月官卷 溥良等抄錄完竣覆 命
閏四月初二日京電本日 召見軍機 無閣抄

電報

西五月二十二號柏林來電
義國新內閣之組織 義大臣智利泰現已另行組織一新內閣云
俄議院改選初議 俄議院各議員現擬不再以煩雜之問題要求俄皇因俄皇不納議院之稟詞云
俄報提倡日俄睦誼 俄國威爾遜報現在特着論說數節提倡日俄兩國早日聯合以救兩國之睦誼云
教皇近狀 天主教皇之病體現已痊可元氣已漸次復舊云
法議院定期開議 法議院現定於西七月一號開議閣法大臣布瑞森已允充議院之領袖云
西五月二十二號倫敦來電
英大將遊歷非洲 英國陸軍提督司泰普漢森現已行抵非洲畢德馬斯堡并擬順道前往蘇魯蘭德地方考查該處調派兵隊事宜聞此次因欲在該處駐紮英國兵隊故擬詳細考察云

德皇致步祿親王之書 現聞德皇致書於步祿親王云貴親王義贊極機公忠體國其望貴親王久居任所庶辦理德國一切政治得所贊助云
西五月二十三號倫敦來電
教皇近狀 天主教皇之病體現已全愈聞已經接見慰問者數次云
非洲英屬亂事餘聞 非洲英屬納達爾現有數處將牛馬牲畜聚集一處以便抗拒亂黨然亂黨早已聞風遠颺矣

要聞

▲擬改中韓交涉條款
本報所紀日本派駐韓國統監伊藤侯勸中國駐韓總領事馬廷亮暫緩謁見韓皇茲探悉其原因係伊藤侯擬俟回國後面奏 日本政府 擬修改 中韓交涉條款云云

展緩東省開埠日期

日本定期將奉天安東兩處開埠早紀前報茲聞政府核議謂照約奉天省城開埠應由中日美商會商安東開埠由中日會商大東溝開埠由中美商會商現經派員勘界 擬訂章程 以期速辦然月內尙趕不及辦理故即照會 日本公使 希轉達日本政府云

整頓熱河稅則

熱河地方向沿理藩院舊例一切稅項較之內地徵收不及十之二三稅則太輕吏役有所藉口 勒索規費弊端百出熱河都統廷用帥以現在辦理工藝巡警學堂各要政在在需款因擬將稅則整頓劃一辦法大致將貨物分爲三品 必需品如糧食牲畜布疋之類概予免加 奢華品如綢緞洋貨之類即加重徵 嗜好品如土藥洋酒水旱紙煙之類則以徵爲禁現已繕摺奏報到京矣

議准皖省編練新軍

日前皖省奏請 編練新軍一摺係交練兵處議奏現經該處 王大臣 議准於昨復奏奉 旨依議矣

擴充粵省編練新軍

日前粵省督岑雲帥奏請 編練新軍十營現經練兵處核議以粵省盜風正熾 若僅 十營兵力尙嫌太單恐不足以資防守應令該省 籌款擴充 俾成勁旅云

湖北調回常備軍

日前由湖北調來常備軍八營駐紮通州嗣因該省以兵力不敷調遣擬將該軍隊撤回經 練兵處 允准大約日間即可 拔隊回鄂矣

日允營口官赴任

駐京日本公使日前照會 外務部 略謂奉本國政府條訓 貴國派營口 地方官赴任荷于軍閥 各節無礙日本軍政司之事亦可允准其到任云

廣東大水

頃接粵友來函云粵自入春以來連雨爲災西北兩江之水同時暴漲除清遠石角圍外所有基圍皆已潰決廣肇州縣悉成澤國早稻既已失收蠶桑魚鹽亦皆失利云

提學使不出洋者八人

此次新簡各省提學使擬令出洋遊歷三月已紀前報茲再探悉學部堂官定議各省提學使除于式枚陳伯陶陶黃紹箕支恒榮孔祥霖沈曾植連甲張鶴齡等八人毋庸出洋即赴新任外其餘各員均須於日起程前往日本遊歷三月再行供職云

本埠新聞

●車站紀事○前出使法國公使孫京卿寶琦於初二日由京乘早車來津
●學務處批示二則○天津初級師範簡易科畢業生甯澤縣劉月橋等稟請派充教員得盡義務一案 批稟悉候飭該縣會同學堂總董查覆△天津師範講習科畢業生盧榆縣生員馮百川稟學堂腐敗整頓乏人情願効勞懇恩賞派一案 批稟悉候飭該縣會同學堂總董查覆核奪
●縣批照錄○王官莊佃民秦永昌呈批 查該海河淤地既有石界可憑不與鎮署官地相涉該地方人等何得勾串狡展究竟是何實情應俟查訊並添傳各村正副到案澈底根究以杜影射而重學費粘單附
●官場紀事○伍侍郎廷芳昨已來津茲定於初三日由津乘新濟輪船赴滬再行前往粵省△奉天驛道陶觀察同眷屬於初一日由京乘晚車來津住佛照樓候輪南下△又德州機器局會辦鄭太守嘉榮又機器局收支委員林太守紹清均於初二日乘船還德州常觀察現初一日奉委赴馬廠放四鎮軍餉△陸軍第二鎮張統領懷芝並同參謀吳張二君於初一日由漢州來津
●派員考試警務○督憲袁宮保札委北洋警務學堂總辦徐觀察鼎康帶同日教習小川勝諸日譯員文冠生於上月二十八日到唐山二十九早八鐘會同唐山巡警學堂總辦楊觀察善慶幫辦耿太守陸庭在電報局巡警學堂閱看操法兼考試問答巡警章程分別優劣發給畢業文憑其程度未能及格者再行留堂學習於本月初一日拍照影相爲紀念云
●張鎮軍接辦全軍事宜○奉省東邊道張觀察錫鑾於前月二十七日由省起程前往鳳凰城東邊道原任所道奉省全軍翼長事宜暫歸宣化鎮張鎮軍勳統矣
●招募補兵紀聞○陸軍第二鎮派員由順德正定一帶招募新兵三百餘名乘火車於初一日晚過津前往漢州各營備補
●獲盜盜懲○捕盜營獲弁日前在十間房某姓土唱內拿獲盜匪趙姓史姓二名現已解送警務處研究矣
●創設工藝廠○楊柳青紳董王經甫等擬在該鎮創設工藝廠一所專習織布染色兩門以爲振興實業起見地址擇定西渡口街內昨已動工興建房屋矣
●招考東學生文○學務處附設繙譯館材所專招東文學生繙譯日本書籍備爲各學校之用前已招考錄取足額昨有陳茂才殷勤赴所稟稱曾在日本清華學校肄業情願投所學習以圖報效當蒙處憲准該生入儲材所試習俟一月後再定去留云
●修通溝溝○與界朱家墳地勢低窪每遇陰雨積潦盈尺現經興署特飭建造公司於新開馬路特開修溝一道以便疏洩現已動工矣
●巡警學生野操○巡警官學堂學生將次畢業各門功課均多及格前禮拜六日所有學生在海光寺地方野操極形整齊聞擬於下禮拜六日仍行操練以資熟習云
●軋斃幼童○西門外大胡同南口有崔某推土車一輛於初一下午五點鐘時行至養病所突將張永太之六齡男子撞倒軋傷立即斃命當由張永太將崔某扭送協同地方赴縣報案昨經縣訊張小舫大令督伴詣驗并將崔某帶縣嚴究云
●火警四則○昨夜十一點鐘單街子祥聚成藥舖不戒於火立時轟轟烈烈不可遏當經消防隊及各水會齊集灌救計焚去樓房四間東廂房三間後房一間並延及左鄰包子舖房一間瑞豐茶店廚房一間箱子舖門面一間始行撲滅當經一局二區巡警將該舖同事曹榮扭訊究又官南恒益茶葉舖

旁胡同同聚祥棧房於初二日早十點半鐘失火經人救灌幸得無事又河東榮家大墳某茶園失火立即撲熄又初一日東門外某舖失火焚去十九間延及後面居民房屋共有六七十間云

●教育品陳列館調查入覽人數表○本月調查(自四月初一至二十九日)優待票共計一百九十二位 入覽票共計一千六百六十四位 四次禮拜五日女客共計九百九十四位 合計共計二千七百七十位

北京新聞

●五大臣回國確音○出洋考察政治五大臣游歷各國考查情形迭登前報茲聞五大臣確有將次回國之信但川資告匱尙須速籌經費方能整理歸裝云
●電飭皖贛兩撫會拿土匪○皖南土匪竄回江西立有盤山會名目茲聞政府已電飭皖撫恩中丞贛撫吳中丞協力會剿嚴密查拿矣
●准給華商學堂匾額○邇來民智漸開外洋華僑多有開辦學堂以爲祖國作育人才之助者日前駐日楊星使以旅日華商麥瑞圖在日本創設學堂教授旅日華人子弟頗著成效特爲咨商學部請即代爲奏請獎給匾額以資鼓勵旋經學部據情入奏聞已奉 旨依議矣
●稟請審定教科書○浙江錢塘縣舉人施君日前具稟學部並呈送所編教科書數種乞賜審定立案等情當奉批示云據呈及書均悉該舉人所著各書力求淺顯用力最勤用心良苦統閱所呈六函當以四書新體讀本爲較善但四書爲我國至粹之書雖用白話講解仍宜不失本旨如講大學明德推及於德律風八行星之類意主引中反近附會用爲教科書似尙未合也此批

本省新聞

●請辦農林學堂○戶部江西司候補員外郎張君謝春具稟本部各堂憲擬在京創辦農林學堂一所開張君首先倡捐經費銀一萬兩並請撥給官地若干畝爲農林試驗場之用鐵大司農頗深嘉許已經批准照辦
●潘憲牌示○靜海縣知縣沈葆恒補授南岸同知遺缺擬以候補知縣劉炳炎請補
●清苑縣告示○爲出示嚴禁事照得省城四關墳地內近聞有挖土打石及偷賣煤土者均係取自義塚墳地之旁並毀傷墳塚致使骸骨暴露屬忍心害理殊堪痛恨現蒙藩憲諭飭派巡檢拾掩埋以全善舉除飭差嚴密巡查外合行出示嚴禁爲此示仰附郭居民人等知悉自示之後爾等勿得再在義塚地內取土打石及因賣煤土傷毀墳塚並責成該管地方實力查察倘有不法匪徒仍蹈前轍肆行偷挖准該巡役地方扭送來縣嚴究以憑懲辦決不寬貸各宜凜遵毋違切切特示

●查勘學堂基址○上月二十八日藩憲毛方伯乘坐肩輿赴漕河鎮村履勘一週聞係擬在該村大寺內設立學堂故特親往查勘
●警兵閱報○保定巡警總局因各分段警兵雖亦按時操演講授一切課程然欲其有勇知方非令其深明時事不可現特仿照外洋警務規則令每分局內各設立警兵閱報所一處俾各警兵下班之際均往閱看以資研究

各省新聞

政事

●革除官場陋習 江督周玉帥日前手諭革除陋習請安陋習謂方今時事艱難百僚有司均應實事求是嗣後通省文武各官凡有公牘及見面稱謂官稱名悉聽其便其來轅進見者無論官階大小初見三揖平時旅見一揖不必叩頭請安以省儀節云 (江蘇)

●委員監修法政學堂 皖省法政學堂創興數年迄今未收實效前經大部奏准各省設立法政學堂俾仕途中人得以通曉政治法律茲經皖撫恩中丞飭將該學堂停辦另建法政學堂日前已委胡太守達恩章少尉復祖監修該堂工程矣 (安徽)

●習藝所改良 江西自新工藝院委員蔡某撤差後臬憲余廉訪遂委工藝委員許復初大令接辦改爲習藝所現在所內各項工藝不下數十種非若從前之腐敗矣 (江西)

●飭查吸煙委員 粵督岑雲帥嚴飭屬員戒煙迭見前報茲聞除札司考察外仍自嚴密訪查日前訪得韶關屠捐委員陶令素有煙癖特飭該管道府覆查密現雖據復到謂陶令業已戒除辦事亦未誤公惟仍批飭隨時察看倘日久嗜好復萌即須稟究不得徇情代人受過云 (廣西)

●交涉 日人交還軍捐 聞新民軍捐本日允准交還茲聞井戶川君業已回新此次交還軍捐係奉日政府之命令租期期不至遲延矣 (奉天)

●上海道瑞觀察照會日領事文 (爲華人入籍事) 照得中國不肖民人屢有因事投質西籍情事經袁前升道暨本道先後商請註銷並請以後勿准下等華人入籍在案蓋以中國安分良民身家財產例得受國家保護斷無輕去其國之理而在貴署呈請入籍者非已有事得於本國即爲欲求倚恃而妄干非分之人在中國有此項民既於治權多所窒礙而在貴國未經詳察輕許入籍於名譽亦有所損用再不辭煩瑣備文照會貴署正領事請煩查照先後來文將以前入籍華民一律註銷冊檔並以後永除華人入籍之例彼此交足親睦誼仍望見復施行 (江蘇)

●官廳局之交涉 閩省自設官廳局經英使詰問由外部將情形電咨閩督查復一節已誌前報茲悉閩督崇佑帥電覆外部謂現設官廳局係中國內政華官自辦與洋人無涉英商亦不至有損失之事聞外部已據情照覆英使矣 (福建)

●學務 續記武昌公立小學堂學生散學事 當學生出堂時業已薄暮均單身出門狼狽異常旋又牌示令各學生父兄保人於次日至學務公所聽候裁奪同學具公函辭之奈學務所屢次遣人傳喚不得已排班到所俾引至後舍逼令寫悔過切結始准進堂肄業學生等不允悔云云如此我將照會常州各學堂不准收留且欲移文各處永錮終身同學答以我等出學費求學果犯何罪而學及父母並令同勇捉拿言畢即散去今將願繳教牌示抄錄於左

第一次牌 校長諭今日無故不上課當即按名開除 四月初九日

第二次牌 不守規則不聽訓令無故請假挾眾要求著一律開除 四月初九日

第三次牌 所有開缺學生限今日一律出堂 四月初九日

第四次牌 所有開缺學生早餐及午晚兩膳限今日截止 四月初十日

第五次牌 所有開缺學生行李鋪件不准自行擅領著家長保人來堂領取 四月十一日

第六次牌 開缺學生儀器課本一律繳還如有不繳者即將學膳費照扣

第七次牌 開缺學生本無重收之理此次姑念其家長保人來堂具悔過切結本堂寬暫收作爲附科於一月內考察並無犯過之處然後作爲正科若再違犯違事著即斥退決不姑容茲將姓名錄左 四月十二日

此牌掛不多時即行收撤原文未能悉記然大致固如此也示字硃點日期硃標 (江蘇)

●師範傳習所開課 全閩校士館內附設師範傳習所自上月十六日開學由校士館之肄習生選入六十名於開學之先邀保徵立證書屆期方得入學聞是日未能到堂者祇三人云 (福建)

●裁撤校士館 日前學部有電到閩謂各省所有書院校士館均已裁併改爲學堂閩省校士館亦應併作學堂以歸一律等語聞此電係由閩省京官所運動云 (福建)

●軍事 飭令新軍遷入營房 蘇省撫標常備新軍第一標營房近已落成由督練公所委員驗收所造各房高大寬敞光明透澈頗爲合用督練公所當飭一二三等營管帶將所部新軍於二十一日遷入並請該管標統到營驗看 (江蘇)

●注重軍政 粵督岑雲帥於十九日親往升學堂巡閱學生操演馬術捷徑矯捷尙覺可觀閱畢又往北校場巡視新軍各營協統新軍第一第二標李觀察滿陽率領營哨官及各教習戎裝迎迓雲帥入營巡視一週並登堂演說發揮教練二字精意營哨弁與新軍兵丁在兩傍靜聽演說既畢雲帥乘馬往來馳驟數次隨即往看軍醫學堂勉勵各學生勤慎執業蔚爲有用之材此閱畢回轅時已亭午聞日內尙須往燕塘校閱常備各軍云 (廣西)

●財政 委員運解銅元 昌圖鐵嶺等處制錢缺乏紛紛請領銅元現經財政局派周大令運載五百萬枚赴昌圖一帶交斗秤局陸續兌換每銅元十枚出入皆以銀元一角計算或者北路圖法稍可補救歟 (奉天)

●電商銅元辦法 江督接戶部財政處電咨以銅元充斥致

壞國法宜急籌良法以爲挽救等因玉帥當即電商蘇撫及江北提督等以銅元局廠令商辦併辦法刻查局廠機器笨重歸併一節勞費無益難辦到應如何酌量變通公等有何卓見現飭甯藩司會同商務局迅速議復候議有辦法再行會商云 (江蘇)

●飭改統稅比較新章 江西釐務自改辦統稅後各分口比較漸次加增惟銀錢賤賤有向章收錢換銀繳納者比較未免懸殊加以各口所出貨物間有不及往年而所收稅款愈形短絀者經稅務總局通飭各分口稅卡嗣後每月比較均改作通年計算至所收之錢換銀繳納者仍照收錢之數比較似此變通辦法各卡員應無不眉飛色舞矣 (江西)

●路礦 皖路總辦查皖撫文 (爲給發鐵路茶釐印單事) 案查光緒三十二年三月二十四日接據皖南茶釐總局咨稱所轄涇太德銅石三局向章有行館內地之茶釐茶葉洪紳延後程紳恩浚等面稱與洋莊茶一律認出鐵路銀六錢尙須補發聯票一千張等因到本堂准此除將內地洋莊一律抽收認股銀兩一節先行照復外茲將本公司三聯印單一千張加蓋關防訂成十本專差送至皖南茶釐總局查收照章收銀填發除照會李道並咨明兩江督部堂查核外相應咨請貴撫院察照備案 (安徽)

●礦苗呈驗 浙江諸暨縣民人楊洪林於辛丑歲覓得本縣東鄉樓家場揭白灣大成場夜叉場及東陽縣北鄉西洋場銀礦五處集資租得揭白灣銀礦一處先行試辦計深五丈即得銀苗開鑿未幾鉛多銀少加以資本不繼以致中止現遵礦務章程呈送礦苗稟由諸暨縣奉大令轉詳撫憲核奪 (浙江)

●稟請集款開採石礦 浙江鄞縣西南鄉三十九都六圖鶴官漕地方有石山一座石質細膩民人稱爲梅園邑紳王嘉謨等擬集股洋一萬元稟請署甯甯道憲照三太守開採旋得批云查鄞邑西南鄉三十九都六圖各山迭次封禁有案可稽今該職等擬集股分設公司稟請於鶴官漕地方弛禁開採核與成案不符惟事關興利究竟有無礙之虞仰祈縣照請商會邀集在郡士紳妥速籌議刻日具復察奪勿延給圖章程並發仍繳 (浙江)

●湘省籌辦鐵路近情 自粵漢鐵路贖回後湘省鐵路至今尙無確實辦法近該省商務總會見廣東路事由商集股已有成議因擬議仿照辦理先修長沙至湘潭之九十里集股百萬即可開辦甚爲衆所贊成刻正調查廣東章程即日舉辦惟聞某紳欲捷足先得亦擬招股先修此路商會所招股份照廣東章程以五元爲一股而某紳則以五十兩爲一股云 (湖南)

●實業 督銷局開辦有期 田莊台督銷局總辦章觀察辦理鹽務兩年有餘並未將督銷事宜延期開辦現在樞廷戶部頗注意於奉省鹽政軍督趙次帥以章觀察辦理無效先行撤省即飭財政局督辦帶委員親往該局清查款目整頓一切以期督銷姑日開辦將見奉省鹽務從此日有起色矣 (奉天)

●設立商船公會 儀徵縣屬十二圩地方係屬船出江必經之地各貨船亦齊集於此綜計湘鄂皖贛及蘇省各船隻共有十三幫之多現各船幫擬聯絡一氣遵照商部所頒章程設立商船公會以保護同業各航商公舉成秉璋爲總理其事業稟由江南商務局批准并咨常鎮道陶觀察查照矣 (江蘇)

●發明飼蠶新法 巴縣孫某客於有年得紅葉飼蠶法去歲購有紅葉數千株回渝種植今春試辦開結繭甚大獲利倍於川蠶且紅葉較桑葉易生將來逐漸發明則川中又多一利源矣 (四川)

●雜紀 電查匿名揭帖 鎮江關道陶觀察奉江督電開聞仙濠等處滿街粘貼匿名揭帖有拾劫米行之說各米行已停止三日不敢售賣查上年奏開米禁統據官商屢次稟請若以後米價漸貴自應封禁禁經奏明有案今未聞官紳請禁乃有痞棍出帖惑衆此風斷不可長仙濠米市自應預聞何又未見電稟除已電揚州府速往查禁並由敝處出示外請尊處迅速派員會同地方官紳勸諭彈壓如仍有痞棍聚衆把持滋鬧即由尊處酌派兵隊拿交揚州府懲辦具報 (江蘇)

●義甯州警耗 江西南昌府屬義甯州爲出茶之區每逢三四月間茶商咸集工人以萬數計近因天雨連綿未能採摘兼之市中食米不敷售賣以致羣情鼓動該州與湖南岳州府屬之平江縣毗連外來匪黨從而勾引聚集數千人竟有揭竿起事之勢現經該州金直刺派田查悉當即會同駐州巡防營李管帶帶同誠實防堵並開倉平糶以免人心惶惑一面飛稟省垣大吏請預備撥兵應援 (江西)

●浙江湖州府李太守批示 (爲庫書罰款事) 案據歸安縣申送文重楊彥成控庫書王晉奎姦盜等情一案查湖州禮義之鄉不宜有此傷風敗俗之事當將王晉奎提案責懲看押王晉奎自知罪無可逭即請紳士出而理處楊彥成亦不願終訟王晉奎甘願捐洋一千五百元爲將來郡城建立工藝廠之用並給楊彥成五百元作爲養贍嫁娶其女之資復結稱不敢再犯前愆本府斟酌再三准予結案查律設大法禮順人情兩語爲制治不易之經楊彥成幼女被欺實非其罪若使割頭露面到堂認真究辦恐或致終身廢棄王晉奎罪有應得而肯捐資爲修工藝廠基礎助成善舉亦屬良心發現且舍刑罰而古有之本府辦理此案係屬曲體人情而亦無傷於天理無悖於國憲此當爲合郡紳民所共諒者也合亟牌示使咸知此示 (浙江)

●稟控學員受賄 臨桂縣六塘司紳士丁憂雲南曲塘府知府關裕祚稟控學務處委員林令傳甲私受六塘公益學堂堂長蒲璧賄銀百金一案林令傳甲當即札委桂林府歐陽太守傳提關紳林令到案澈底訊究三月二十八日太守遵札傳訊一次關係保舉人張仁普查得林令有辦學受賄情事故即稟控云云太守一面稟覆各憲一面傳張仁普到案與林令質對判斷 (廣西)

●設法賑濟 江蘇省城賑務局自改辦統稅後各分口比較漸次加增惟銀錢賤賤有向章收錢換銀繳納者比較未免懸殊加以各口所出貨物間有不及往年而所收稅款愈形短絀者經稅務總局通飭各分口稅卡嗣後每月比較均改作通年計算至所收之錢換銀繳納者仍照收錢之數比較似此變通辦法各卡員應無不眉飛色舞矣 (江西)

●皖路總辦查皖撫文 (爲給發鐵路茶釐印單事) 案查光緒三十二年三月二十四日接據皖南茶釐總局咨稱所轄涇太德銅石三局向章有行館內地之茶釐茶葉洪紳延後程紳恩浚等面稱與洋莊茶一律認出鐵路銀六錢尙須補發聯票一千張等因到本堂准此除將內地洋莊一律抽收認股銀兩一節先行照復外茲將本公司三聯印單一千張加蓋關防訂成十本專差送至皖南茶釐總局查收照章收銀填發除照會李道並咨明兩江督部堂查核外相應咨請貴撫院察照備案 (安徽)

●礦苗呈驗 浙江諸暨縣民人楊洪林於辛丑歲覓得本縣東鄉樓家場揭白灣大成場夜叉場及東陽縣北鄉西洋場銀礦五處集資租得揭白灣銀礦一處先行試辦計深五丈即得銀苗開鑿未幾鉛多銀少加以資本不繼以致中止現遵礦務章程呈送礦苗稟由諸暨縣奉大令轉詳撫憲核奪 (浙江)

●稟請集款開採石礦 浙江鄞縣西南鄉三十九都六圖鶴官漕地方有石山一座石質細膩民人稱爲梅園邑紳王嘉謨等擬集股洋一萬元稟請署甯甯道憲照三太守開採旋得批云查鄞邑西南鄉三十九都六圖各山迭次封禁有案可稽今該職等擬集股分設公司稟請於鶴官漕地方弛禁開採核與成案不符惟事關興利究竟有無礙之虞仰祈縣照請商會邀集在郡士紳妥速籌議刻日具復察奪勿延給圖章程並發仍繳 (浙江)

●湘省籌辦鐵路近情 自粵漢鐵路贖回後湘省鐵路至今尙無確實辦法近該省商務總會見廣東路事由商集股已有成議因擬議仿照辦理先修長沙至湘潭之九十里集股百萬即可開辦甚爲衆所贊成刻正調查廣東章程即日舉辦惟聞某紳欲捷足先得亦擬招股先修此路商會所招股份照廣東章程以五元爲一股而某紳則以五十兩爲一股云 (湖南)

●實業 督銷局開辦有期 田莊台督銷局總辦章觀察辦理鹽務兩年有餘並未將督銷事宜延期開辦現在樞廷戶部頗注意於奉省鹽政軍督趙次帥以章觀察辦理無效先行撤省即飭財政局督辦帶委員親往該局清查款目整頓一切以期督銷姑日開辦將見奉省鹽務從此日有起色矣 (奉天)

各國新聞

●非洲英屬蘇丹邊界一帶地方土人又復作亂情形甚為不靖聞特蘭斯福爾政府又另編團練兵士四百三十名已由扎漢尼斯堡啓程前往納達爾以便助剿匪匪
●譯上海字林西報
●亂首被獲之故 非洲德國殖民地亂首茂潤葛被獲已紀前報茲聞該亂首由德屬達馬蘭德逃往英屬之克普喀蘭尼地方以爲避禍之計後爲該處之巡捕所囚送交德人云
●譯上海字林西報
●俄新內閣之組織 聞俄國新內閣現已組織妥協俄大臣考克塞夫(前曾派充波斯波斯司日俄議約大臣)現授爲財政大臣司德瑞溫授爲內務大臣以繼道爾納烏之任(即反對威特伯爵被黜者)譯上海字林西報
●德郵船觸礁 日本長崎電云德國郵船名瑞島恩者在日本對馬島左近之赤間關海峽之中觸礁所有搭客皆在赤間關登岸故人客皆免於難後由赤間關派拖船四艘將該船拖帶前往長崎以便修理長崎亦派輪船一艘前往助之按該船於華四月二十一日由上海啓程二十二日行抵長崎二十三日晨欲往神戶是日午後六點鐘在赤間關觸礁查該船行抵赤間關時適值大霧不辨咫尺觸礁後先由司丹利大拖船拖帶未能出險船底已洞入水甚多并聞日本又派輪船一艘將搭客均由赤間關運往門司云 譯上海文匯西報
●日員察看鐵路 日本大藏省大臣與遞信省大臣現擬查察全國鐵路聞該大臣等擬先往九州然後再往山陽及北海道云 譯上海字林西報
●日本舉行海軍大操 聞日本海軍省擬於本年西九月間在對馬島舉行全國海軍大操現已派員前往對馬島布置一切云 譯日本新聞報

奏議

工部奏爲核銷京旗常備軍光緒二十九年分採辦軍裝軍械等項用過價值銀兩摺

奏爲核銷京旗常備軍光緒二十九年分採辦軍裝軍械等項用過價值銀兩摺具陳仰祈 聖鑒事竊准辦理京旗練兵大臣袁 鐵 等咨稱京旗常備軍光緒二十九年分用過餉項及收支正雜各款採辦軍裝軍械等項列爲第一次報銷於光緒三十二年三月初一日具奏奉 旨該衙門知道欽此欽遵恭錄 諭旨知照並造具逐款價值清單送部核辦前來臣部查京旗常備軍前於光緒二十八年間經該大臣等將該軍營制餉章及採辦軍房軍衣槍械建造兵房等項估需銀數奏明咨部在案其原奏內稱製造衣履帳棚倒馬燒埋醫藥等費每年約需銀六萬兩建造兵房一次約需銀五萬兩至於

鄂督張奏爲簡缺知縣照例擬補摺

奏爲簡缺知縣照例擬補摺仰祈 聖鑒事竊准吏部咨載缺單開湖北竹谿縣知縣譚爲霖休致遺缺坐光緒三十一年九月初五日行文接湖北省照限減半計算扣至九月二十九日爲開缺日期歸九月分截缺是月分祇此一缺毋庸登報應照例擬員請補查湖北坐補原缺缺即用迴避即用新選新補留省另補以及曾任實缺丁憂服滿分發原省人員均無人外按照例章應接用鄭工及新海防遇缺先正途出身之人查有新海防遇缺先補用知縣吳琳年三十七歲河南祥符縣人由附生中式光緒十五年己丑 恩科本省鄉試舉人遵新海防例捐知縣指分江西試用因停止分發改指湖北二十二年二月二十八日經 欽派大臣驗看三月十一日吏部帶領引見奉 旨著照例發往欽此領照起程加捐同知升銜五月二十七日到省二十八日開缺丁父憂當經報明丁憂起程回籍守制旋加捐新海防遇缺先補用免試用嗣因捐資探親赴京適屆服滿就近取具同鄉京官印結呈請起復七月十三日奉吏部發給執照領起程於九月初一日回省奉到加捐過部文坐光緒三十一年二月二十日行文接湖北省照限減半計算扣至三月二十日爲新班到省日期惟該員起復回省之日在奉文過班日期之後應照例以三十年九月初一日起復回省之日作爲到省日期又於三十年九月內奉到部文准其起復在案臣查該員吳琳年壯才明留心吏治名大輪值項補所有竹谿縣知縣缺應請即以該員 奏補再該員係正途出身之新海防遇缺先補用知縣請補知縣銜缺相當無庸送部引 見惟保捐納之員仍令試俸三年據湖北布政使李曜署按察使梁鼎芬會詳前來除咨吏部外理合恭摺具陳伏乞 皇太后 皇上聖鑒敕部核覆施行謹 奏 硃批吏部議奏欽此

滇督丁奏爲揀員請補選缺知州以裨地方摺

奏爲揀員請補選缺知州以裨地方恭摺仰祈 聖鑒事竊准部咨雲南新興州知州彭祖詒升所遺缺應作爲第二留缺等因歸於光緒三十二年正月月底截缺業經咨部在案查定例各省知州如係著有勞績保歸候補班補用者無論應題調應選之缺酌量補用等語今新興州知州滇省現無曾任實缺丁憂服滿分發儘先補用之員查有軍功候補班前補用知州汪本源年四十三歲安徽望江縣供事由分省補用縣丞承辦軍機漢檔告成保以知縣仍分省補用俟得缺後在任以直隸州知州補用校勘方畧全書告成保加運同銜並隨帶加二級呈請分發雲南光緒二十七年十一月初五日經 欽派王大臣驗放領照到省於以復隨安府城前敵出力保請免補本班以知州仍留原省前補用並戴花翎光緒二十九年六月十五日奉 旨著照所請該部知道欽此期滿甄別委署寶甯縣知縣臣查該員汪本源明幹有爲樸實可靠並無案罰案件以之請補新興州知州實屬人地相宜洵堪勝任與例亦符據雲南布政使劉春霖按察使陳燦會詳前來合無仰懇 天恩俯准以該員汪本源補授新興州知州以裨地方如蒙 俞允再行給咨送部引 見至該員保舉俟得缺後在任以直隸州知州補用之案應照例帶赴新任除咨部查核外謹恭摺具陳伏乞 皇太后 皇上聖鑒敕部核覆施行謹 奏 硃批吏部議奏欽此

晉撫恩奏報到任委員代盤河東鹽法道庫存項銀兩照章改題爲奏摺

奏爲恭報奴才到任委員代盤河東鹽法道庫存項銀兩照章改題爲奏恭摺仰祈 聖鑒事竊查定例河東奏銷時及鹽政到任並新舊交代之項盤查均先委屬道員代盤巡撫飭於每年不拘何時親往盤驗一二大專案具題等因歷任遵辦理在案奴才欽奉 恩命補授山西巡撫兼管河東鹽政印務所有河東道庫正雜鹽課銀兩遵例飭委屬道前往盤查結報去後茲據屬道丁寶鈺詳稱遵即前往盤查過河東道庫存鹽課錢糧自光緒三十二年二月底止除解扣存共銀一十二萬二千六百一十一兩五錢九分二釐俱係實在庫並無虧短取具冊結加結呈報前來奴才復核無異除加具印結同原來冊咨送戶部都察院查核外理合遵例新章改題爲 奏伏乞 皇太后 皇上聖鑒敕部查覈施行謹 奏 硃批戶部知道欽此

本埠進出口貨物調查表

安平輪船四月二十六日由上海進口貨物	
藍布五十疋	英國本色布二千六百疋
土國紅布二百七十五疋	印花布二百一十疋
英國白布七百疋	美國本色洋布一千三百疋
印度本色洋布二百疋	印花布三百八十疋
綢緞三十疋	製花布一百八十疋
斜紋布一千一百二十五疋	美國布二十疋
羽絨二百五十疋	薄製縐布三十疋
毛布十疋	扣布二千三百三十五疋
細布二百七十四疋	拼縐布一百八十九疋
又二十疋	細夏布十二疋
大布三十四疋	紫綢二十一疋
竹筴五疋	海參二疋
竹板一百八十五疋	玻璃盆一百三十打
鏡盆八古索司	磁子一百塊
藍布八十箱	皮靴八十雙
鐘九打	樟腦五担
顏料值一百一十一兩	魚肚五担
魚膠二担	紙扇五千六百七十把
薑三十六担	草帽三十打
日本帽子一百九十二打	琴四古索司
手巾二百打	銀條二百担
中國墨三担	燈六百一十四個
燈罩子九十五打	燈外罩三打
牛車四担	玻璃杯二十五打
機器值二百四十五兩	鋼盤二十五担
紙五十九担	紙二担
印紙十一件	頭號紙一百二十二担
二號紙二百四十六担	粗紙三百五十二塊
絲線值一百九十九兩	魚翅十三担
爐子一百九十八個	條扇十八担
香扇三百三十六打	銀器三件
糖果九担	海帶一担
日本糖食一千二百一十七担	糖食一百三十五担
鐵桶二十四個	皮箱六隻
煙葉十八担	茶葉一千五百九十七担
傘二百四十把	木料一百一十七件
雜貨三十九件	
新豐輪船四月二十六日開往上海出口貨物	
梨三十六担	包米袋五萬條
庫瑞提克(Kreutle)輪船四月二十六日開往上海出口貨物	
口貨物	
羊皮統九百九十一件	山羊毛氈二千四百九十八塊
鳳尾二担	
廈門輪船四月二十六日開往牛莊出口貨物	
火磚六萬六千塊	

本公司名曰南洋總匯報局專延聘中西時務品學兼優之士爲主筆記載扼要印刷精良已於去年出版內地通商各埠均有代派處屆時請閱者認向購訂可也

[illegible]